

Kontuola

ANTZUOLA / Egubakoitza / 2003ko abenduaren 19a / 182. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Gabon eguneko kalejirak, kirol ekintzak eta jolasparkea, Gabonetan

ENEIDA ITURBE

Gabonak gainean ditugu eta eurekin batera hainbat ekitaldi. Hilaren 24an lau kalejirak alaituko dituzte Antzuolako kale eta baserriak. Ondorengo egunetan ez da izango asperetzeko denborarik, umeendako jolasparkea eta zenbait kirol ekintza antolatuta dituzte eta.

Gabon egunean, ohitura den bezala, hainbat kantu kalejira egingo dituzte herriko zenbait taldek.

Herri Ikastetxeko umeak goizean elkartuko dira, guztiak base-rritar jantzita, eta herriko kaleetan zehar kantuan ibiliko dira. Aurten, Antzuolako Gazte Asanbladako lagunak ere irtengo dira Gabon eskean. Goizean goiz abiatuko dira eta baserri baserri ibiliko dira kantuan.

Arratsaldean beste bi kalejira egingo dituzte, bata presoan aldekoa eta bestea herriko abesbatzarena.

KIROL EKINTZAK ETA JOLASPARKEA

Abendu amaierako egunetan bi kirol ekintza antolatu ditu Antzuolako Kirol Elkarteak: gazteen aretoko futbol txapelketa eta Xabier Barkero torneoa.



Herri Ikastetxeko neska-mutilek, urtero bezala, kalejira egingo dute Gabon egunean.

Gazteen aretoko futbol txapelketa hilaren 26a, egubakoitza, eta 28, domeka, bitartean jokatu dute pilotalekuan. Xabier Barkeroen omenezko torneoa, aldiz, Eztalan egingo da, abenduaren 26 eta 27an.

Umeak Gabon oporretan asper ez daitezen hilaren 29an jolasparkea izango da pilotalekuan. Hiru puzgarri eta buru hausgarriak egongo dira. Goizean 11:00etatik 13:00ak arte egongo da zabalik jolasparkea, eta

arratsaldean 16:00etatik 19:00ak arte. Buru hausgarriak birziklatutako materialarekin egindako jolasak dira. Horiek eta puzgarriak Jokulandia taldeak ekarriko ditu, eta begiraleak ere talde horretakoak izango dira.

ANTZERKIA

'Arrautza delikatuak' antzezlan domekan

E.I.

Antzerkia ikusteko aukera izango da domeka honetan Antzuolan. Hika Teatroak *Arrautza delikatuak* lana aurkeztuko du eskolako aretoan arratsaldeko 19:00etan. Saioa 12 urtetik gorakoei zuzendua dago eta sarrera doan izango da.

Mikel Laskurain eta Belen Cruzek antzezturiko lana da *Arrautza delikatuak*. Taberna batean hasten da istorioa, emakume batek ikerketa bat aur-

keztuko die tabernan dauden txikiteroei. Hortik aurrera hiru istorio tartekatuko dira, eta fikzioa fikzioaren barruan kokatuko da. Bi pertsonaiaren bidez arbasoetatik hasi, frankismoa igaro eta egungo garaira arteko ibilbidea egingo dute ikusleek.

Beti ere, arrautza delikatuak arituko dira protagonistak. Zer ote dira horiek? Taldekoen hitzetan: "Gure hizkuntza da arrautza delikatu eta zaindu beharra dago, usain ederrik, zapore gozirik eta kolorerik gal ez dezan".



Hika taldeak *Arrautza delikatuak* lana ekarriko du herrira domekan.

LABUR

Hirurogeita zortzi lagunek egin zuten EHNA domekan

Domekan Euskal Herriko Naziotasun Aitorpena (EHNA) egiteko aukera izan zen Antzuolan. Adin guztietako lagunek aprobetxatu zuten aukera hori, eta guztira 68 lagunek egin zuten agiria. Antolatzaileak, Bai Euskal Herriari taldekoak, gustura daude.

Bihar ez da egongo ipuin kontalaririk liburutegian

Bihar, zapatua, Oihulari Klown taldeko ipuin kontalaria etortzeko zen liburutegira, baina ez da saiorik egongo. Atzeratu egin dute ekintza hori, eta, orain beharrez, urtarrilean izango dute neska-mutikoei ipuin kontalarriaren istorioekin gozatzeko aukera.

Areto futboleko 24 orduko txapelketa urtarrilaren 9an

Antzuolako Gazte Asanbladak areto futboleko 24 orduko antolatuta ditu urtarrilaren 9 eta 10erako. Parte hartu nahi duten taldeek abenduaren 25a baino lehen eman beharko dute izena Larrea edo Mox tabernetan. Talde bakoitzak 30 euro ordaindu beharko ditu eta 5-10 kide izango ditu.

Liburutegia 22an, 23an, 29an eta 30ean zabalik

Gabonetako oporretan egutegi eta ordutegi berezia izango du liburutegiak. Hilaren 22an, astelehena, 23an, martitzena, 29an, astelehena, eta 30ean, martitzena, egongo da zabalik. Gero, urtarrilaren 7a arte, itxita izango da. Urtarrilaren 7an, 8an eta 9an 18:00etatik aurrera irekiko dute. Gero, betiko ordutegira itzuliko da.

KIROLA

Herriko pilota txapelketako finalak zapatuan jokatuko dituzte

E.I.

Azken zazpi urteetan bezala, herriko eskuz binakako pilota txapelketa jokatu dute zenbait pilotazalek. Orain, azken txanpan dago txapelketa eta finalak jokatzeko besterik ez da geratzen. Horiek bihar, zapatua, jokatuko dituzte, goizeko 10:00etan hasita.

Herriko eskuz binakako VII. txapelketako finalak bihar, zapatua, jokatuko dituzte aurreko asteetako partiduetan sailkatu diren bikoteek. Goizeko 10:00etan bigarren mailako finala izango da: Pagaldaik eta Sanchezek Bastarrikaren eta Zabaloren aurka jokatu dute. Partidu hori amaitzean lehenengo mailako finala jokatu dute Oruesagasti eta Muruamendiaraz elosuarrek Biteriren eta Unanueren aurka. Bi partidua amaitzean sari bana-keta egingo dute.

Gutzira hamazazpi bikotek hartu dute parte txapelketan. Azaroaren 1ean jokatu zituzten lehen partidua, eta pasa den zapatuan izan ziren finalerdiak. Antola-



OLAJA MONDRAGON

Finalerdietan Biterik eta Unanuek Arbuluri eta Mendizabali irabazi zieten.

tzaileak oso gustura daude, parte-hartzea handia izan delako eta jokalariek ez dutelako hitzorduetara kale egin. Datorren urte-

rako aldaketaren bat egitea ere pentsatzen ari dira; beharbada, bi mailatan aritu beharrean bakarra egongo da hurrengoan.

Erretiratuaren karta txapelketa

Erretiratuaren lokalean karta txapelketa jokatu dute aste honetan. Astelehenean punttoko eta briskako kanporaketak izan zituzten, lehenengoan zortzi bikote aritu ziren, eta bigarrenean hiru. Martitzenean musean eta tutean egin zuten, musean sei bikotek eta tutean bostek. Eguenean jokatu zituzten finalak eta, ondoren, parte hartu zutenek afaria egin zuten. /E.I.

LABUR

Eltzikortari eta Karmeni, postalak

jarriko dute arratsaldeko 17:00etatik 20:00ak bitartean. Eguraldi txarra izanez gero, udaletxe azpian egongo da.

Karmen Irizar Martuteneko kartzelan dago 2001eko uztaila ezkererako. Beste hiru bat urte eman beharko ditu, bost urte eta sei hilabeteko zigorra baitu. Aspaldian, Martuteneko zenbait preso kanpoko kartzeletara eramango dituztenez, Karmen ere eramango duten beldur dira familiakoak. *Eltzikorta* Ciudad Realen dago, Herrera de la Mancha kartzelan.

ministriaren aldeko mugimendua bultzatzen ari dira preso baten bi herritarrei, Karmen Irizarri eta Jose Luis Erostegei *Eltzikortari*, Gabonetako postalak bultzatzea. Nahi duten herritarrek sellua eta helbidea jarrita bidaltzen postalak eskuratzeko jarriko dute. Bihar, zapatua, prentsearen aldeko materiala saltzeko jarrirako dute herrian, eta jarrirako erosi ahal izango dira postalak. Salmenta postua Zurrategin

LABUR

Urtea amaitu eta hasteko Aizkorrira eta Arrolara irteerak egingo ditu Arrolak

Arrolak urtea hasi eta bukatu mendian egingo du. Ohitura den bezala, abenduaren 31n Aizkorri igoko dute mendizaleek eta urtarrilaren 1ean Arrolara joango dira. Aizkorrira joan nahi dutenek goizeko 08:00etan plazan egon beharko dute. Urtarrilaren 1ean Arrolara taldean igo nahi dutenek, aldiz, goizeko 09:00etan egon beharko dute plazan. Goian, salda eta txorizoa banatuko dituzte.

Elayk euskararen normalizazioaren alde egingo du Aldundiak

Elay Taldeak Anton Abbadia Saria jaso zuen atzo, eguena, enpresan euskara bultzatzeagatik. Xabier Laka eskultoreak sortutako dominarekin eta 12.020 euroekin saritu du Gipuzkoako Foru Aldundiak enpresa. Duela hamabi urte hasi zuen Elayk euskara plana, eta enpresa euskaratzen aitzindari izan da. Aldundiko Kultura eta Euskara Sailak sari hau euskararen normalizazioaren aldeko lanetan nabarmendutako pertsona edo elkartei ematen die.

KIROLA

PARTIDUAK

FUTBOLA

Abenduak 20
12:00: Antzuola-Eibartarrak B (Gazte.)
15:30: Antzuola-Ikasnerri (2. erreg.)
Abenduak 21
12:00: Antzuola-Aretxabaleta B (Kade.)

EMAITZAK

FUTBOLA

Legazpiko gaztetx. 1 Ant. 2 (2. erre.)
Urki 10 Antzuola 2 (Kadeteak)
Antzuola 0 Eibartarrak 11 (Neskak)

PILOTA

Gipuzkoako Txapelketa
Lagunak-Olalde (eskuz inf.) . . . 18-11
Goierri-Olalde (eskuz nagusiak) . 22-11
Olalde-Zumaia (paletaz nagu.) . 35-27

LEKY-BERRI
MERENDEROA

Janariak
eta
edariak

Tf. 943 76 60 94
ANTZUOLA



Jose
Gomez
Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

INDUSTRI MANTENIMENDUA

EGAÑA

Era guztietako arotz lanak

Tarima eta parketa jartzea
Zoruen kutxilatu eta barnizatuak

Kalegoi 21. ANTZUOLA Tel.: 943 76 64 23